



TOSHKENT DAVLAT YURIDIK UNIVERSITETI REKTORINING B U Y R U G ' I

11.03.2025

208-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksini buzish holatlari kuzatilmoqda.

Jumladan, universitetning Xalqaro huquq va qiyosiy huquqshunoslik fakulteti 1-kurs talabasi Shuhratov Muhammadiso Shuhratovich 2025-yil 6-mart kuni dars mashg'ulotlariga belgilangan kiyinish qoidalariga rioya qilmagan holda, shalvar va sport oyoq kiyimda universitetga kelgan hamda dars mashg'ulotlari davomida o'qituvchining ruxsatisiz telefondan foydalanib o'tirgan.

Ushbu harakatlarni Konstitutsiyaviy huquq kafedراسi katta o'qituvchisi J.Qudratillayev bildirgisida hamda talaba o'z tushuntirish xatida keltirib o'tgan.

Muqaddam mazkur talabaga nisbatan fakultet dekani tomonidan dars mashg'ulotlari davomida o'qituvchining ruxsatisiz telefondan foydalanganligi yuzasidan 2025-yil 19-fevralda 21-16/42 sonli ogohlantirish, hamda universitet rektorining 2025-yil 28-fevraldagi 190-tm-sonli buyrug'i bilan hayfsan e'lon qilingan bo'lishiga qaramay ushbu harakatlarini qayta sodir etgan.

Universitetning Xalqaro huquq va qiyosiy huquqshunoslik fakulteti 1-kurs talabasi Shuhratov Muhammadiso Shuhratovich mazkur harakatlari bilan TDYU Odob-axloq kodeksi 12-moddasi 4-xatboshisi (universitet talabalari bo'lgan erkaklar oq, havorang, och jigar rang yoki och kulrang ko'ylakda, klassik uslubdagi shim yoki odmi kostyum va mos rangdagi poyabzalda kelishlari lozim) va 21-moddasining 1-xatboshisi (Dars mashg'ulotlari vaqtida uyali aloqa vositalaridan foydalanish barcha uchun qat'iy taqiqlanadi, pedagog xodimlar tomonidan dars jarayoni bilan bog'liq yoki uzrli holatlar bundan mustasno.) talablarini buzgan.

Toshkent davlat yuridik universiteti Odob-axloq kodeksining 12-moddasi 4-xatboshisi va 21-moddasining 1-xatboshisi hamda universitetning Ichki tartib qoidolari 83-bandiga asosan

BUYURAMAN:

1.Universitet Odob-axloq kodeksi 12-moddasi 4-xatboshisi va 21-moddasining 1-xatboshisi talablarini buzganligi uchun universitetning Xalqaro huquq va qiyosiy huquqshunoslik fakulteti 1-kurs talabasi Shuhratov Muhammadiso Shuhratovichga hayfsan e’lon qilinsin.

2.Fakultet dekanlari (D.Umarxanova, K.Hakimov, B.Musayev, Sh.Saydullayev, A.Babadjanov) mazkur buyruq mazmun-mohiyati talabalar e’tiboriga yetkazilishi ta’minlasin.

3.Xalqaro huquq va qiyosiy huquqshunoslik fakulteti dekani (D.Umarxanovaga):

mazkur talabaning shaxsiy hujjatlar yig’majildiga buyruq nusxasi tikilishini ta’minlasin;

boshqa nojo’ya xatti-harakat takror sodir etilsa, talabani talabalar safidan chetlashtirish mumkinligi to’g’risida ogohlantirsin.

4.Mazkur buyruq bajarilishini nazorat qilish prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

D.UMARXANOVA

**Kelishildi:**

Direktor

SH.PO'LOTOV



Katta yuriskonsult

A.TURSUNOV



Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV

